

TE HEHEURAA API

I neia i te piha neneiraa a te Ekalesia a Iesu Mesia i te Feia Mo'a i te Mau Mahana Hopea Nei, i Papeete, Tahiti, i te mau fenua Sotaiete, i te mau avae atoa. Te hoo, e piti farane i te matahiti hoê.

“Ua na ô â hoi oia ia ratou, I haapaohia te sabati no te taata, aore te taata i haapaohia no te sabati: e teie nei, o te Fatu atoa ia o te sabati te Tamaiti a te taata nei.” Mareko 2: 27, 28.

Nu. 8.

10 Me, 1912.

Mat. 5.

Te Sabati o te Evanelia Nei.

(TUATIRAA.)

U A horoa mai Iehova i te Sabati ia Iseraela ei tapao faa-ite, e ua fafau Oia i te faufaa ia ratou, e na'na ratou i faataa i te mau nunaa ra. Exo. 31: 13. Eze. 20: 12. Ua haapao-atoa-hia te Sabati ei haamana'oraa no to ratou aratairaahia mai Aiphiti maira. Deut. 5:15. Te ite nei tatou, aita te Sabati o te faaueraa maha i haapaohia ei ture tuutuu ore no te mau tau atoa ra, no te mea: 1. No te taatiraa te reira i faaitehia i nia nei, o tei faaitehia e Iesu e aita hoi te reira ture i parau-faahou-hia mai e Iesu. 2. E tapao hoi te Sabati mai te peritome e tapao atoa ia. Gen. 17: 11. Ua faaorehia râ te peritome. Gal. 6: 15. Hoê faaoreraa i na tapao e piti ra i te tau no Iesu. 3. Ua faahapa Iesu i te reira mahana. Ioa. 5: 18. Tei ia'na hoi te parau no te reira mahana. 4. Aita Iesu e ta'na mau pîpî i parau faahou mai i te hoê parau iti noa'e i te faaapîraa i te ture no te Sabati. Ahiri e ture mure ore te reira e te faufaa rahi, ua na reira mau ratou, mai ia Iesu i parau faahou mai i te tahi pae o te mau ture ma te faaore i to ratou mau utua. Mat. 5: 44; 19:

17-21. Ua māmû râ ratou atoa i te parau-faahou-raa i te reira ture.

E iva noa iho ture no roto i na ture 10 ta Iesu i faaapî mai, mai te faarue atu i te mau utua ri'ari'a tahito. Tei te Mat. 19: 17-20, e te 22: 35-40, e te 5: 44, ta Iesu parau-faahou-raa mai i na ture e iva o te faufaa tahito, e ua amuihia taua na ture e iva nei ei piti ture rahi o te evanelia, oia hoi, Aroha atu oe i to Atua ra, e e aroha atoa'tu oe i to taata tupu ra. Aita roa Oia i parau mai i te ture maha. Eaha Iesu i ore i parau faahou mai i te Sabati mahana hitu? No te mea ua haapao Oia i te tahi â mahana. A hi'o i te pae matamua o teie nei parau. E no te mea hoi no te faufaa tahito noa iho te reira ta Paulo i parau mai e, "Teie nei râ ua itea mai te faaroo nei, aita'tura tatou i vaiihohia i raro a'e i te ture" e teie â hoi, "Aita outou i raro a'e i te ture, tei raro a'e outou i te aroha." Rom. 6: 14, 15; 3: 20.

I te Roma 13: 8-9, te haapapu ra Paulo i ta Iesu i haapii no te mau ture tahito, aore roa atoa oia i parau faahou mai i te ture no te Sabati tahito. Ua na ô maira râ oia i te tahi vahi:

"E ara, o te riro noa'tu outou i te parau paari e te haavare faufaa ore a te hoê taata'tu, mai te â rii a teie nei ao ra, - - - E tena na, eiaha ei taata e faahapa noa'tu ia outou i te maa i amuhia ra e tei inuhia ra, e te mahana oro ra, e te avae apî, e te Sabati; e ata ana'e ia no te tupu a muri a'e; area te mea mau ra o te evanelia ia o te Mesia ra." Kol. 2: 8, 16, 17.

A taio atoa i ta Paulo parau i to Roma, ei reira e papu roa'tu â i te mana'o e, aita o te ture no te Sabati mahana hitu e mana i nia i te feia mo'a i te faufaa apî nei. Teie taua parau ra:

"Te mana'o nei te tahi, e huru ê to te tahi mahana i te tahi; te mana'o nei hoi te tahi, hoê â huru to te mau mahana atoa; ia papu ra te taata atoa i to'na ihora aau. O tei haapao i te hoê mahana ra, no te Fatu ia i haapao ai; e o tei ore e haapao i te mahana ra, no te Fatu ia i ore i haapao ai." Roma 14: 5, 6.

Ahiri te vai mana noa nei â te ture o te Sabati tahito i

see page 57. two pages over

ratou mauruuru i to te mau tamarî a Iseraela.

I mua'ê i te haereraa no te nuu, na te fenua Ilinoi atu i tera pae mai no te anavai rahi, no Misisipi, i roto i te fenua ra, i Missouri, ua haere atura Iosepha, ratou o Birikama Youne e te tahi atu mau taata i nia i te aivi i fatata mai, ia hi'o ratou i te anavai rahi, i parauhia, "te Metua no te mau Pape." I reira ua iteahia te hoê fata e ratou, i hamanihia mai tei au i te ravea tahito, e i te pae raro no taua fata ra, ua ite ratou i te tino pohe no te hoê taata, e ua maere ihora ratou ia ite i te hoê upoo te'a i ropu i to'na aoao. Ua heheuhia mai i te Peropheta ra e, o te tino teie no te hoê ati Lamana uouo, o Zelepha to'na i'oa. E taata puai oia na te Atua, e e raatira i roto i te nuu no te Peropheta ra, no Omanadagu. Ua haapohehia oia i roto i te mau aroraa hopea, no te aroraa rahi no te ati Lamana e te ati Nephi. E ho-roaraa hanahana ia te ûrû a te Atua.

Aita te hoê peapea i tupu, ia tae atu te nuu i tera pae mai no te anavai ra, no Misisipi. Ua haafatata pinepine mai te enemi; ua hohonu roa te tahi mau anavai; ua ino roa te tahi mau purumu, area râ, tei rapae teie nei mau peapea, e ua paruru mai, e haapao mai te Atua i Ta'na ra mau tavini, e no reira, aita nehenehe ia parauhia teie nei mau peapea, ei mau peapea rahi. I teie nei râ, ua tae mai te peapea rahi, no te mea ua tupu te hara i roto i te nuu, e eita te Atua e paruru mai ia ratou i te reira. Ua orure faaite atura o Silevesa Semita (Sylvester Smith) ia Iosepha, e amui atu te tahi atu mau taata ia'na. Ua faaara'tura te Peropheta ia ratou e, e faautua mai te Atua ia ratou no ta ratou hara, e ua na reira'i oia.

Ia tae atura ratou i Missouri, ua tae mai Haeramu Semita raua o Limana Uaita ma te tahi mau taata e amui atu ia ratou, ei reira teie te numera no te nuu ia taiohia, oia hoi, e piti hanere aore ahuru ma pae taata, e e piti ahuru ma pae pereoo tei faatomo-puai-hia. Ua faaea ratou i te tahi mau mahana i te hiti o te anavai ra, i Salata, e ua faarirohia o

Limana Uaita ei raatira na ratou i reira. Ua maitihia e piti ahuru taata, o Haeramu ei raatira, ei tia i na Iosepha, no te mea, tei roto i taua fenua ra te tahi mau taata, o tei tãpũ mai e, e taparahi ratou ia'na.

I muri i teie nei faaearea, tere atura te nuu e tae noa'tu i te mahana 18 no Tiurai, ei reira faaea'i ratou i te pô i fatata i te oire ra, i Ritemona, i te mataeinaa ra, i Re. Ua mana'o ihora ratou e, e farerei atu ratou i te tahi pũpũ enemi i reira, area râ, poipoi a'era, haere atura ratou na roto i te oire, na mua i te araraa mai no taua feia ra. A tere ai ratou, aita e maoro, ua pararî te hoê pereoo, e ua faaea ratou e hamani maitai i te reira; ia haamata faahou atu râ ratou i te haere, ua pararî te hoê porotaa no te tahi atu pereoo, e e mea rahi roa to ratou peapea i taua mahana ra. E pô a'era ua tae atura ratou i te anavai ana'e ra, i Fishing, i te mataeinaa ra, i Re; ua mana'o ihora râ ratou e, e tae atu ratou i te mataeinaa ra, i Cale. O te hoê anavai nainai teie, tei tahe i roto i te anavai ra, i Missouri, e i te muriavai, ua afafa ia i roto i na amaa e hitu. I ropu i na amaa e piti i nia i te hoê vahi teitei, ua faaea ratou, e faaineine ihora ia taoto i reira i taua pô ra.

I muri a'e i to ratou faaearea, ua tae mai e toopae taata, e ua parau maira ia ratou ma te mau tãpũ e, e ite te nuu i hade i mua i te poipoi. E ua parau atoa maira ratou e, te haere maira e ono ahuru taata, no ô mai i Ritemona, e e hitu ahuru taata, no ô mai i te mataeinaa ra, i Cale, e haamou i te nuu, ei reira haere ê atura ratou.

Te haamana'o nei paha tatou i te amuiraa i haapaohia e te Feia Mo'a e te enemi no Iaketoni, i te mataeinaa ra, i Cale, i te 16, no Tiunu, 1834. Te hinaaro ra te tavana rahi o Dunklin, ia hoo atu te Feia Mo'a i to ratou fenua, aita râ ratou i faatia, e ua faaotihia te amuiraa ma te patiaraa'tu o te tahi o te enemi i te tahi. Ua faarue o Iakobo Camepela, ratou o Samuela Oena, e e hoê ahuru atu â taata i taua amuiraa ra, ou'a ihora ratou i roto i te hoê boti, e haamata

i te hoe i tera pae mai no te anavai ra, no Missouri. Te hinaaro ra ratou ia tae i te mataeinaa ra, i Iaketoni, ia faatia ratou i te hoê nuu ia aratai atu i te Nuu no Ziona. A tatua'i Iakobo Camepela i ta'na mau pupuhitereumu i nia ia'na iho, ua faaahaaha'tura oia ma te täpū e, "E amu te mau aeto e te mau manu rarahi i to'u i'o, mai te mea eita vau e faaino ia Iosepha Semita e ta'na nuu, ia ore to ratou iri e tapea i te mau mea nainai, na mua i te hopea no na mahana e piti."

A parau atu ai oia i taua parau ri'ari'a rahi ra, aita paha oia i mana'o e, e tupu mau ia te reira, area râ i taua pô ihora, ua tae maira te melahi no te pohe, e ua hurihia te boti i ropu i te anavai. Ua paremo hoi Iakobo Camepela, e e tooono atu â taata, ora'tura râ to tei toe mai to ratou ora. Panu atura te taata ra, o Samuela Oena e maha maile i nia i te anavai, e tipae ihora oia i nia i te hoê motu, e poipoi a'era ua iriti oia i to'na ahu, e au ê atura i te fenua i te mataeinaa ra, i Iaketoni, ei reira tarahu oia i te tahi ahu, ia tapoi i to'na tino, e mai tei parauhia e Iosepha Semita, ua unuhi oia i to'na utuafare, mätä'u i te riri a te Atua. E toru hebedoma i muri, ua iteahia te tino pohe no Iakobo Camepela, i nia i te tahi puea raau i roto i te anavai, e oia mau, ua haehaehia e ua amuhia to'na i'o e te mau manu rarahi.

E rave rahi te mau taata iino tei toe i te mataeinaa ra, i Iaketoni, ia haaputuputu i te tahi pūpū enemi, e ua haere atura ratou e ati noa'e i taua fenua ra, i te faaiteraa'tu i te taata e, ua tae mai te nuu Moromona, e ia haere atu ratou paatoa e farerei i taua nuu ra e tia. Ua farii te mau taata i te reira parau ma te mauruuru rahi, no te mea, mau taata taehae e te iino roa ratou, e ua mataro ratou i te haamanii i te toto, e ua mana'o ihora ratou e, mau taata mätä'u ore ratou. Ua tairuru atura ratou i te hiti no te anavai ra, no Missouri, i te taima i parauhia, e tei ia ratou te mau pupuhi, e te mau pupuhitereumu, e te tahi atu mau mauhaa tama'i, e te tia noa ra ratou i te taparahi ia Iosepha, e i ta'na ra mau pipi.—OLE PETESONA.

(E tuatihia mai teie parau.)

Te Mau Parau Api.

I TE fenua ra, i Farani, a mau e ai te hoê taata, o Huga Robinasona to'na i'oa, i roto i te reva na nia i to'na ra pahi reva, ua tupu te tahi peapea i taua pahi reva ra, e ua mairi ihora oia i roto i te miti. Aita roa râ oia i haaparuparuhia, e ua au ihora oia i uta, i te fenua.

I te fenua ra, i Washington, i Amerika, a amu atu ai te hoê taata, o J. T. Neala to'na i'oa i te mau tio, no roto mai i te punu, ua iteahia e a'na 38 poe i roto i te hoê tio. Huru rahi na poe e pae, ua faainohia râ ratou na roto i te tunuraa i te mau tio. Ahiri aita i na reirahia'i, e mau poe fau-faa rahi roa ia te reira.

I te avae ra Febuare i mairi a'enei, ua tae atura te mau umara e rave rahi i te oire ra, i Niu Ioka, i Amerika, no ô mai i Europa. Teie te rahi o te mau umara tei tae atura, oia hoi, e hoê milioni pute, e teie te rahi o te moni no te tarahu no te hau Amerika, no taua mau umara ra, oia hoi, e hitu hanere tausani (700,000) dara.

Te vai ra te hoê e'a turu rahi pape paari i roto i te anavai rahi, i Niagara, i te fenua ra, i Amerika, e i te mahana 4 no Febuare i mairi a'enei, a tia'i e toohitu taata i nia iho ia'na, e no te rahi o te veavea o te mahana, ua tahe ihora taua pape paari ra, e ua paremo e tootoru taata. Ua ora ihora te mau taata e rave rahi mai te hoê hora te huru, no te mea te haere atura ratou i te aua pape paari.

Ua iteahia te hoê i'a huru ê roa, i te miti, i fatata i te fenua ra, i Afa-rica. E upoo to'na mai to te taata nei i te huru, e ua parauhia oia "te taata ruau no te miti." Tei ia'na te mata, te rae, te ihu, te vaha, te taa, e te mau melo atoa mai to te taata nei upoo, e o to'na niho, hoê â ia e pau roa'e i to te taata. E mea rahi roa te mau manu huru ê i roto i te miti, aita râ e tia ia tatou ia ite i taua mau mea ra.

I te oire ra, i Nile, i Tarafonia, a rave ai te hoê taata, o Neila Alabe-raga to'na i'oa, i te ohipa i roto i te hoê haapûpûraa auahi no te hoê fare ra-veraa ohipa apî, ua tiaorohia te taata i rapae e ua haere atura oia. Ei reira i tae mai ai te tahi atu mau taata, e aita ratou i ite e, te parahi ra taua taata ra i roto i te haapûpûraa auahi, tuu atura ratou i te hoê tapoi paruru ûa i nia iho, e ua tapeahia oia i roto. Ia oti te maniania no to ratou mau hamara i rapae, huru mätä'u a'era taua taata ra i roto, e ua maniania roa oia i nia i te auri, faaroo a'era te mau taata i rapae i ta'na maniania, horoa atura ratou i te hoê mea auri ia'na na roto i te hoê apoo, tapu ihora oia i te haapûpûraa auahi, ei reira haere atura oia i rapae ei taata tiamâ roa.

te evanelia nei, e mana atoa nei â te utua no te haapao ore i te reira ture. I te tau a vai mana'i taua ture ra, ua taparahi-pohe-roa-hia te taata o tei ofati i te reira. Exo. 35: 2. Ua pohe te ture no te Sabati tahito e to'na utua pohe atoa. Aita raua i taa ê i to raua ra oraraa, aita atoa raua i faataa-ê-hia i to raua ra poheraa. Ahiri te vai mana nei te ture tahito no te Sabati i teie nei â e mana atoa ia te ture no te Sabati matahiti e te matahiti iubili, tei faaitehia i roto i te Lev. 25: 1-12. Na Iehova te mau haapaoraa atoa o te ture i faaite mai, e no reira eiaha te taata e parau mai e, e ere ia na Iehova te tahi pae ture, no te mea na Iehova i tuu mai i taua mau peu taatoa ia Iseraela.

E imi rii tatou i te huru no te mahana o te Fatu, ta'na ihora i haapao mai tei faaitehia i nia nei. I te mahana matamua no te hebedoma i tia mai ai te Faaora mai te pohe mai, e ua faaite ia'na iho ia Maria Magadala, i na pue vahine êê, i na aposetolo e piti ra, a haere atu ai raua i te oire iti ra, i Emausa, ia Petero a taa ê atu ai oia i te mau aposetolo hoê ahuru aore, e i na aposetolo hoê ahuru aore i te ahiahi o taua mahana ra; e ia amuihia ra, e pae a te Fatu faaiteraa ia'na iho i taua mahana hoê ra.

I to Iesu farereiraa i te ahuru aore aposetolo i taua ahiahi ra, ua tuu atu Oia i te faaueraa ia ratou ia faaite haere atu ratou i te evanelia i te mau fenua atoa. Ioa. 20: 19-23. Mai reira'tu ua faataahia te reira mahana matamua o te hebedoma ei mahana haamoriraa, ia haapaohia te mau faaueraa o te faufaa apî. Ua na reira te mau pîpî i te haapao i te reira mahana, ei mahana vavahiraa pane e te a'oraa evanelia.

"E tae a'era i te mahana matamua o te hebedoma ra, ia haaputuputu mai te mau pîpî e vavahi i te pane ra, ua a'o atura Paulo ia ratou." Ohi. 20: 7.

E faufaa rahi to teie nei irava i te mea, te faaite mai nei te reira, ua haapaohia to tatou nei Sabati ei haapaoraa i te mau oroa no te faufaa apî. Ua faariro-atoa-hia te reira

mahana, ei mahana aufauraa moni na te feia mo'a i te mau ekalesia i Galasia e i Korinetia. Kor. Hoê 16: 1, 2.

I riro Ioane pîpî here i te Varua i te mahana o te Fatu ra, e na'na hoi i haamairi i te mahana i tia mai ai te Fatu mai te pohe maira, te mahana no Fatu ra. Apo. 1: 10. E mahana mo'a rahi teie i roto i te ohipa evanelia, i horoa mai ai te Fatu i te mau orama hanahana ia Ioane i taua mahana ra, a haapae atu ai oia i te mahana hitu ra. Ua apiapi roa te Sabati mahana hitu i te mau peu o te ture tahito, aore roa hoi e ravea ia faaô i te mau ohipa evanelia i roto i te reira mahana, no reira e mea tia roa ia haapaohia te tahi atu mahana mai ta Iesu i haapao ra. No te nunaa ati Iuda ana'e te faufaa tahito, te faufaa apî no to te ao atoa nei.

Ua parihia e, na Totatine Nui, te emepera no te hau Roma, i ruri ê i te Sabati tahito, e ere râ te reira te parau mau. Ia riro te ekalesia ei haapaoraa i faahereherehia e te hau i raro a'e ia Totatine, ua faature oia i taua peu o te ekalesia ra ei ture no te hau, o Iesu râ e ta'na mau pîpî tei faatia ê na i taua mahana ra.

E faaotihia teie nei parau i te parau faaite a Justin Martyr, te hoê metua tuiroo no te ekalesia i muri rii mai i te poheraa o te mau aposetolo. Ua fanau oia i te matahiti 114 i muri a'e i te Mesia. E iti ia te reira i te 20 matahiti i muri mai i ta Ioane papairaa i ta'na evanelia i te matahiti 98. I roto i ta'na buka (Apology) pene 67, te na ô maira oia:

"I nia i te mahana i parauhia te Sabati, e amui mai to te oire iho i te hoê vahi, e e na reira atoa to te mau mataeinaa; ei reira e taiohia'i ta te mau aposetolo papairaa e ta te mau peropheta ra hoi e ia hope noa'tu te taime i faataahia ra; - - - Te Sabati râ o te mahana ia ta matou i haapao i to matou amuiraa; - - - No te mea ua faasataurohia oia i te mahana i mua iho i to Saturn (to Saturn o te Mahana Maa ia i Tahiti nei) e i nia i te mahana i muri iho i to Saturn, oia hoi te mahama o te râ (te Sabati i Tahiti nei) i fâ mai ai Oia i ta'na mau aposetolo e te mau pîpî ma te haapiiraa mai ia ratou."

BUTERA.

Te Parau Tuatapapa no
Iosepha Semita.

(TUATIRAA.)

PENE XX.

MATAHITI 1834.

Te haere atura te Nuu no Ziona. Te ohipa maere i te faataheraa i te pape inu. O Zelepha, te ati Lamana uouo. Ua tupu te orurehau i rotopu i te nuu. Faaea ihora i te hoê pô i nia iho i te hiti o te anavai ra, o Fishing. Te parau haamâta'u a te taata ra, a Camepela. Ua faarepuhia te enemi.

[TE ahiahi, i te mahana 8 no Me, 1834, te haere maite atura te Nuu no Ziona i roto i te hoê uru raau nehenehe, i te hopea no te mahana matamehai no to ratou tere. Ua maiti te mau raatira i te hoê vahi puhapa no to'na ihora pûpû, e ua haamata te tahi pae no ratou i te tahu i te auahi, e te tahi pae i te faaineine i te maa, e te tahi pae i te haapao i te mau puaahorofenua, e te tahi pae i te afai mai i te pape, e ua tonohia'tura te tahi pae ei mau vea, e no reira, ua ite tatou e, e ohipa ana'e ta ratou paatoa.

I muri i ta ratou amuraa i te maa, e ia tae mai te rui, ua putuputu to te nuu e ati noa'e i te mau auahi, e ua paraparau ihora ratou i nia i te ohipa rahi i mua ia ratou, e popou ihora ratou i te mea, ua faarue ratou i te mau mea e rave rahi, ia rave ratou i te ohipa na te Atua. Ua faataihia te pû, no te mea ua tae mai i te hora no te pure e te taoto, e ua tuu te mau taata atoa i to'na turi i raro, mai te haamaitai atu i te Atua no te mau haamaitairaa i taua mahana ra, e i te aniraa'tu ia'na i te mau haamaitairaa e au ia ratou i roto i te rui, e i te pureraa'tu ia'na no te Feia Mo'a no Ziona, e no Ta'na ra ohipa, ei reira, taoto ana'e ihora ratou.

E poipoi a'era, ua ara maira ratou, e ua haamata te

mau taata atoa i te rave i to'na ihora ohipa. Ua faatai-faa-hou-hia te pû, e pure faahou atura ratou i te Atua, e i muri i ta ratou amuraa i te maa, ua tuuhia te mau puaahorofenua i roto i te mau pereoo e ua haamata faahou ratou i to ratou tere. Ua na reira'i ratou i te haere, ma te aroha rahi, te tahi i te tahi, e i te tahi mau taime, haere atura ratou na raro, ia tahe noa te toto no roto mai i to ratou avae. Ua tairuru pinepine te enemy ia hamani ino ia ratou, e ua maitihia te tahi mau taata ei mau tia i no te nuu, ia ore te enemy e tae mai i roto i te rui e hamani ino ia ratou, area râ ua amui atu te mau melahi ia ratou, mai tei parauhia mai e te Fatu, e ua ite te enemy ia ratou. Ua mehamaha pinepine te enemy, e i te hoê vahi ua taio ratou e pae hanere, area râ i taua taime ihora, tei te nuu e piti hanere ana'e taata.

Ua noaa ia ratou te mau huru haamaitairaa e rave rahi, ei te hopea no te hoê mahana veavea i te avae Tiunu, ua patia ratou i to ratou mau tiahapa i roto i te medebara, e ua poihiâ roa ratou no te mea ua pau roa ta ratou pape i te poi-poi, e aita ratou i inu i te pape i taua mahana ra. Ia ite Iosepha i to ratou poihiâ, rave ihora oia i te hoê tahirepo, e ua ô ihora oia i te hoê apoo. Ua haamata te pape i te tahe i roto i te apoo, e inu ihora e piti hanere taata, e e pae ahuru puaahorofenua i te pape. Ua navai te pape i roto i taua apoo ra ia ratou, e tae noa'tu i to ratou faarueraa i taua vahi ra.

Ua taio tatou i te parau no te tamarî a Iseraela e to ratou poihiâ i roto i te medebara, e to ratou amuamuraa'tu ia Mose. Mai tei au i te faaueraa a te Fatu, ua papai atura Mose i te mato ma to'na raau, e ua tahe maira te pape no roto mai, ei inuraa na te taata. Area râ ua rave Mose i te hara i reira, no te mea, ua parau atura oia, mai te mea ra e, o oia raua o Aaron a tei rave i teie nei mea, e aita oia i horoa atu i te hanahana i te Atua. Aita roa'tu to te Nuu no Ziona i amuamu, e ia noaa ia ratou te pape inu, popou ihora ratou, e ua mauruuru roa ratou i te Atua. Ua hau to

see page 91, then page back ✓

I roto i te hoê aroraa rahi i ropu i te mau taata Arabia e te mau taata Italia, i te fenua ra, i Tiripoli, i Afarica, i te avae Mati i mairi a'enei, ua pohe roa 1,000 taata Arabia, e ua puta 1,000 taata. Ua iti roa râ te mau taata Italia tei pohe, teie te numera, oia hoi, 25 tei pohe roa, e 60 tei puta. E aroraa ino roa teie.

Te hamani nei te hau Purutia i te hoê pahi auahi rahi roa, e teie te i'oa e mairibia i nia ia'na, oia hoi, "Imeperatora". Ua hau teie pahi i te rahi i te mau pahi atoa i roto i te ao nei. Teie te rahiraa, oia hoi, 900 avae te roa, e 50,000 tane ta'na e hopoi, e e tia i te mau taata e 5,000 ia tere na nia i taua pahi auahi rahi ra.

Ua hamani te mau taata paari o teie nei ao i te mau huru uati e rave rahi, area râ, ua riro te rê i te hoê taata Purutia, o tei hamani i te hoê uati rahi i te mau tumu sitona. Ua rau i te tausani te mau tumu sitona ta'na i rave i te hamaniraa i taua uati rahi ra. Teie to'na teiaha ia faitohia, oia hoi, e hoê afa paunu. Te tavirihia ra teie nei uati e te faatiaiaraa i te hoê pitopito, ei reira e haere oia e pae hora.

I te mahana 5 no Mati i mairi a'enei, i Niu Ioka, i Amerika, ua tamata te mau taata no te pahi manuâ Utaha i te faatere ia'na, ia ite ratou i to'na puai, e i taua mahana ihora, ua riro ia'na te rê, no te mea, ua hau to'na puai i te tere i te mau pahi atoa no te hau Amerika. Ua tere te pahi Utaha i na maile pahi 22 i roto i te hora hoê. Ua mauruuru roa te mau taata paari no te hau Amerika i taua pahi manuâ ra.

I te fenua ra, i Tarafonia, i Amerika, a maue atu ai te hoê taata Farani, o Didiera Masona to'na i'oa, na nia i to'na pahi reva, ua tupu te hoê aroraa, no te mea ua tae mai te mau manu rarahi e rave rahi, e ua haaati-roa-hia oia e taua mau manu rarahi ra. Ua riro te rê i te mau manu, e ua tae faahou oia i te fenua. Ua parau mai oia e, aita nehenehe ia'na ia ite, no te mea te maue atura te mau manu i mua i to'na mata, e ua maniania roa ratou.

Te parahi ra te hoê taata ereere, o Ritedi Ionesa to'na i'oa, i te fenua ra, i Kenutaki, i Amerika, e ua fiu roa oia i to'na oraraa i roto i teie nei ao, e ua mana'o ihora oia e, te hinaaro ra oia ia tamata i te ora i te tahi atu ao, e no reira, i te mahana 7 no Mati, i mairi a'enei, ua rave oia i te hoê pupuhitereumu, e pupuhi tano roa i to'na ihora rae. Ua paari roa râ to'na upoo, e aita roa te ofai pupuhi i ô i roto, e ua tamata faahou atu oia i te pupuhi i te pae no to'na upoo, aita râ oia i manuia, no te mea, aita te ofai i ô i roto, ei reira pupuhi ihora oia i to'na paparia, e ua haere te ofai na roto i to'na na paparia, aita râ oia i pohe. Ua riaria oia i ta'na tamaraa i te faaaau, e no reira, rapaau ihora oia i to'na upoo e haere faahou atu e rave i te ohipa.

I te avae Mati i mairi a'enei, i te fenua ra, i Colorado, i Amerika, a rave ai e hoê ahuru ma pae taata i te ohipa i nia i te mou'a, ua roohia ratou e te ati rahi, no te mea ua pahee te hiona i nia iho ia ratou. Ua hohonu roa te hiona e ua pohe roa e tootoru taata, e ua haaparuparuhia e toopae taata, e ua parari roa to ratou fare.

I te oire ra, i Los Angeles, i Tarafonia, i Amerika, ua fanau te hoê moa i roto i te hoê ofaraa i te hoê huero moa, e tei nia iho i taua huero moa ra, te hoê leta, oia hoi, te "C". Te leta mau teie no to'na fatu, no te mea, teie te i'oa no te fatu no taua moa ra, oia hoi, o Constance Corneliussen, e ua mauruuru roa oia i te reira, e te tamata nei oia i te faaatuatu i taua huero moa ra. Ua maere ihora te mau taata e rave rahi.

I te avae Mati i mairi a'enei, ua tapae ana'e to te mau amaa o te Ekalesia i te fenua ra, i Hao. Ua farii-maitai-hia mai matou e te mau taata atoa no taua fenua ra, mai te horoa atoa mai i te tapao no to ratou aroha. Mai reira mai â e tae noa mai i te mahana i taa ê mai ai matou ia ratou, no reira a hi'o na i te mau raau o tei hotu noa mai to ratou huero, e tapao ia te reira e, e ora tei roto ia ratou. Oia'toa ratou o tei aroha mai nei, e tapao atoa ia te reira e, tei roto ia ratou te Varua Maitai. Te faaitchia'tu nei ia outou te huru no to tatou amuiraa i te fenua ra, i Hao. Ua putu-putu i ô to te mau amaa atoa i reira, to Takaroa, e Hikueru, e Taega, e Marokau, e Nihiru, e Amanu. Ua haamatahia te amuiraa i te pae no Eperera, e ua faaotihia i te mahana hitu, oia hoi i te Sabati. E mea maitai to tatou amuiraa, e mea maitai atoa te mau ohipa i ravehia i roto i taua amuiraa ra. I roto i te apooraa no te Autahu'araa ua faataahia Raka Toriki a Kaheke, e o Tetiki a Tokihoro ei Orometua faauehia no te mau fenua i nia, Hao, Amanu, Vahitahi, etc. Ua faataa-atoa-hia o Tuhiata a Moo e o Poroa a Tufauhia ei tauturu i ta raua na tane i te ohipa Evanelia. Ua faataahia o Maruake a Maruake ei Orometua faauehia, e ei tamuta i te mau ohipa fare pure o te Ekalesia. Ua faataa-atoa-hia o Matiti a Fareata, ei Peresibutero Tiai no Hikueru, e Pou a Tetoka ei Peresibutero Tiai no Taega, e Mahinui a Temorere ei Peresibutero Tiai no Marokau, e Tamarua a Tehiva ei Peresibutero Tiai no Amanu. Ua baptizohia mai e toohitu taata i taua amuiraa ra, e toopiti taata no te haapaoraa Tanito, e e hoê no te haapaoraa Katorika, e e toomaha tamarii o tei tae i te matahiti e au ia baptizohia.

Toae a Maire, Faaau Parau,

Rue Dumont d'Urville, Orovini, Papeete, Tahiti.

Frank J. Fullmer, Imprimeur,

Rue Bréa et de la rue Dumont d'Urville, Papeete, Tahiti.